

ANTI TRAFFICKING

BOSNA I HERCEGOVINA

**JAČANJE AKCIJE PROTIV TRGOVINE LJUDIMA
U BOSNI I HERCEGOVINI (2023-2024)**

O PROJEKTU

Projekat ima za cilj jačanje prevencije trgovine ljudima i zaštite žrtava trgovine ljudima. Podržava Bosnu i Hercegovinu u provedbi [Konvencije Vijeća Evrope u borbi protiv trgovine ljudima](#), državne Strategije i Akcionog plana za borbu protiv trgovine ljudima. Projekat pruža savjete u oblasti politika i zakonodavstva nadležnim institucijama, kao i tehničku podršku profesionalcima i organizacijama civilnog društva, oslanjajući se na hitne preporuke Grupe eksperata Vijeća Evrope za borbu protiv trgovine ljudima (GRETA) u [trećem evaluacijskom izvještaju za Bosnu i Hercegovinu](#).

Kao potpisnica Konvencije, Bosna i Hercegovina preuzela je obavezu da usvoji koordiniran i multidisciplinarni pristup, koji uključuje prevenciju, zaštitu prava žrtava i krivično gonjenje trgovaca ljudima. U ovom pogledu, projekat će pomoći zainteresovanim stranama i osigurati da aktivnosti projekta prate pristup zasnovan na ljudskim pravima, rodnoj osjetljivosti, pristup prilagođen djeci, kao i međusektorski pristup.

ŠTA OČEKUJEMO POSTIĆI PROJEKTOM?

Očekuje se da će projekat postići ključne rezultate u četiri prioritetne oblasti:

- Jačanje pristupa žrtava pravdi i efikasnim pravnim lijekovima, uključujući naknadu štete;
- Uključivanje osoba koje su preživjele trgovinu ljudima u donošenje odluka i konkretne aktivnosti;
- Unapređenje mjera za sprečavanje i borbu protiv trgovine ljudima u svrhu radne eksploatacije;
- Unapređenje mjera za sprečavanje i borbu protiv trgovine djecom.

Projekat se implementira u okviru [Akcionog plana Vijeća Evrope za Bosnu i Hercegovinu](#) (2022-2025), u periodu od 01. januara 2023. godine do 31. decembra 2024. godine.

PARTNERI PROJEKTA, CILJNE GRUPE I KORISNICI

Državni koordinator za borbu protiv trgovine ljudima i ilegalnih migracija koji djeluje pri Ministarstvu sigurnosti Bosne i Hercegovine je glavni partner za koordinaciju aktivnosti Projekta sa državnim Odjelom za suzbijanje trgovine ljudima kao i sa drugim međunarodnim projektima koji djeluju u ovoj oblasti.

Ostali akteri koji će biti uključeni u provedbu Projekta su:

- Relevantna ministarstva predstavljena kroz nacionalni koordinacijski mehanizam za borbu protiv trgovine ljudima
- Relevantne državne agencije, pravosudni subjekti, instituti i udruženja
- Pravni stručnjaci (tužitelji, sudije, odvjetnici) i policijski službenici
- Inspektori rada, porezni inspektori i sindikati
- Agencije za zapošljavanje i preduzeća
- Stručnjaci iz oblasti obrazovanja i stručnjaci za zaštitu djece
- Socijalni radnici
- Organizacije civilnog društva
- Predstavnici etničkih i migrantskih zajednica

Ciljna grupa Projekta su:

- Žrtve trgovine ljudima, bez obzira na njihov imigracijski status
- Djeca i mladi
- Ranjive osobe iz zajednica koje su izložene riziku od trgovanja, kao što su Romi, migranti i izbjeglice, uključujući i djecu bez pratnje i djecu razdvojenu od roditelja
- Državljanje BiH koji traže posao u inostranstvu

ANTI BOSNA I HERCEGOVINA TRAFFICKING

Posjetite našu web stranicu na sljedećem linku:

[Jačanje akcije protiv trgovine ljudima u Bosni i Hercegovini \(2023-2024\) -
Ured Vijeća/Savijeta Evrope u Sarajevu \(coe.int\)](#)

www.coe.int

The Council of Europe is the continent's leading human rights organisation. It comprises 46 member states, including all members of the European Union. All Council of Europe member states have signed up to the European Convention on Human Rights, a treaty designed to protect human rights, democracy and the rule of law. The European Court of Human Rights oversees the implementation of the Convention in the member states.

Vijeće Evrope je vodeća organizacija za zaštitu ljudskih prava na kontinentu. Sastoji se od 46 država članica, uključujući sve članice Evropske unije. Sve države članice Vijeća Evrope potpisnice su Evropske konvencije o ljudskim pravima, sporazuma koji ima za cilj da zaštiti prava čovjeka, demokratiju i vladavinu prava.

Evropski sud za ljudska prava nadgleda primjenu Konvencije u državama članicama.

KAKO DOĆI DO VIŠE INFORMACIJA?

Lilia Kolombet, menadžer projekta, Lilia.KOLOMBET@coe.int

Severina Spassova, viši projektni službenik, Severina.SPASOVA@coe.int

Elma Zahirović, viši projektni službenik, Elma.ZAHIROVIC@coe.int

Lada Mujkić, projektni asistent, Lada.MUJKIC@coe.int